



ALL INDIA RADIO

REGIONAL NEWS UNIT - SILCHAR

MORNING NEWS BULLETIN

BENGALI

2 August 2024

7:35 AM IST

=====

ৰাজ্যের সাত হাজার দুশ ২০টি বিদ্যালয়ে গতকাল থেকে টেলি এডুকেশন ও স্মার্ট ক্লাসের মাধ্যমে শিক্ষাদান প্রক্রিয়া শুরু হয়েছে। সমগ্র শিক্ষা অসামের কাৰ্যালয় থেকে এই বিদ্যালয়গুলির সঙ্গে সংযোগ স্থাপন করে শিক্ষামন্ত্রী ডাঃ রনোজ পেগু শিক্ষক শিক্ষিকা ও ছাত্র-ছাত্রীদের শুভেচ্ছা জানান। পরে সাংবাদিকদের সঙ্গে কথা বলতে গিয়ে শিক্ষামন্ত্রী ডক্টর পেগু জানান যে মাধ্যমিক পর্যায়ের বিদ্যালয়গুলোতে ১০০ শতাংশ স্মার্টক্লাস গড়ে তোলার ওপর গুরুত্ব প্রদান করে শিক্ষাদানের ক্ষেত্রে শ্রেণিকক্ষে পাঠদান করা সহ ডিজিটেল মাধ্যমেও শিক্ষাদানের উপর গুরুত্ব আরোপ করা হচ্ছে। এই ব্যবস্থাকে আগামীদিনে আরো শক্তিশালী করা হবে বলে শিক্ষামন্ত্রী জানান।

ৰাজ্যের মুখ্য নির্বাচনী আধিকারিক অনুরাগ গোয়েল জানিয়েছেন যে ৰাজ্যের ৫ টি বিধানসভা আসনের উপ নির্বাচনের জন্য নির্বাচন কমিশন প্রস্তুতি পর্ব অব্যাহত রেখেছে। উপ নির্বাচন অনুষ্ঠেয় ধলাই, সিদলী, বঙাইগাও, বিহালী ও সামাণ্ডি আসনের খসড়া ভোটার তালিকা ইতিমধ্যে প্রকাশ

করা হয়েছে। এই পাচটি আসনের সদ্য প্রকাশিত খসরা ভোটের তালিকার ক্ষেত্রে দাবী ও আপত্তি দাখিল করার সময়সীমা আগামী ১০ ই আগষ্ট পর্যন্ত ধার্য করা হয়েছে। এই আসনগুলির ভোটের তালিকায় নাম অন্তর্ভুক্তি বা অন্যান্য সংশোধনীর ক্ষেত্রে আবেদন পত্র অনলাইনের মাধ্যমে সংগ্রহ করা যাবে। অন্যদিকে দাবী ও আপত্তি নিষ্পত্তিকরণ আগামী ১৯ শে আগষ্টের মধ্যে সম্পন্ন করা হবে।

অমৃত বৃক্ষ আন্দোলন কার্যসূচীর অধীনে আজ করিমগঞ্জ জেলায় গাছের চারা রোপন অভিযান শুরু হবে। আজ পাথারকান্দির ভিতরগুলের দশহা নার্সারিতে সকাল ১১টায় এই অভিযানের সূচনা হবে।

রাজ্যের অন্যান্য অংশের সংগে কাছাড় জেলায় ও অমৃত বৃক্ষ আন্দোলন কার্যসূচীর অধীনে ১ লক্ষ ১২ হাজার গাছের চারা রোপন করার লক্ষ্য নির্ধারণ করা হয়েছে। এ উপলক্ষে শিলচরে বন বিভাগের কার্যালয়ে আজ আয়োজিত এক অনুষ্ঠানে বিভিন্ন স্বনির্ভর গোষ্ঠি এবং শিক্ষার্থীদের হাতে গাছের চারা তুলে দেওয়া হয়। রাজ্যের বন বিভাগের মুখ্য বন সংরক্ষক রাজীব কুমার দাসের পৌরহিতে অনুষ্ঠিত গাছের চারা বিতরণ অনুষ্ঠানে জেলা আয়ুক্ত রোহন কুমার বা , পুলিশ সুপার নোমাল মাহাতো , বিধায়ক দীপায়ন চক্রবর্তী , মিহির কান্তি সোম , কৌশিক রাই , এ পি ডি সি এলের সঞ্চালক নিত্যভূষণ দে তাদের বক্তব্যে অমৃত বৃক্ষ আন্দোলন কার্যসূচীর মাধ্যমে বৈশ্বিক উষ্ণতা রোধে রাজ্য সরকার গাছের চারা রোপন করার যে পদক্ষেপ গ্রহণ করেছে সেজন্য সন্তোষ প্রকাশ করেন।

হাইলাকান্দি জেলায় অমৃত বৃক্ষ আন্দোলন কার্যসূচীৰ অধীনে পাঁচ লক্ষ গাছৰ চাৰা ৰোপন কাৰ্যসূচী শুরু হৈছে । জেলা উন্নয়ন আয়ুক্ত এল্ডাৰ্ড ফাৰহিন গতকাল হাইলাকান্দি আৰ্বত ভবনে প্ৰাঙ্গনে চাৰা গাছ ৰোপন কৰে এই কাৰ্যসূচীৰ উদ্বোধন কৰেন । উদ্বোধনী অনুষ্ঠানে নগৰ জীৱিকা মিশনৰ স্ব- নিৰ্ভৰ গৌষ্ঠীৰ কৰ্মকৰ্তাৰা এক পেড় মা কে নাম কাৰ্যসূচীৰ অধীনে তাৰেৰ মায়েৰেৰ নামে গাছৰ চাৰা ৰোপন কৰেন । উল্লেখ্য আগামী ১৫ ই আগষ্ট পৰ্যন্ত জেলায় পাঁচ লক্ষ গাছৰ চাৰা গাছ ৰোপন কৰাৰ লক্ষ্য ধাৰ্য কৰা হৈছে । সেই অনুযায়ী নাম পঞ্জীয়ন কৰে বন বিভাগ থেকে প্ৰাপ্ত চাৰা গাছটি জিও ট্যাগ যুক্ত কৰা এবং এবং গাছৰ চাৰা সহ সেলফি অমৃত বৃক্ষ আন্দোলন মোবাইল এ্যাপ বা ওয়েব পোৰ্টেলে আগামী ১৫ ই আগষ্ট পৰ্যন্ত আপলোড কৰতে জেলা প্ৰশাসন থেকে আবেদন জানানো হৈছে ।

ফটো আপলোড কৰাৰ পোৰ্টেল হৈছে aba.assam.gov.in অথবা <http://mrlife.nic.in>

হাইলাকান্দি জেলাৰ যেসব সরকারী কৰ্মচাৰী ও আধিকাৰীক মুখ্যমন্ত্ৰী লোক সেবক আৰোগ্য যোজনাৰ এখনো নাম পঞ্জীয়ন কৰেন নি , তাৰেৰকে অবিলম্বে নাম পঞ্জীয় কৰতে অনুরোধ কৰা হৈছে । মুখ্যমন্ত্ৰী লোক সেবক আৰোগ্য যোজনা নামক বীমা কাৰ্যসূচীৰ অধীনে জেলাৰ সব সরকারী কৰ্মচাৰী ও আধিকাৰীকৰেৰ অৰ্ন্তভুক্ত কৰে জেলা আয়ুক্তেৰ কাৰ্যলয়েৰ সভাকক্ষে গতকাল জেলাৰ ড্ৰয়িং এন্ড ডিসবাৰ্চসিং আধিকাৰীকৰেৰ এক সভা অনুষ্ঠিত হৈছে । জেলা উন্নয়ন আয়ুক্ত এলডাৰ্ড ফাৰহিনেৰ পৌৰহিত্যে আয়োজিত সভায় জানানো হয় যে গত বছৰেৰ অক্টোবৰ মাস থেকে জেলাৰ সব কৰ্মচাৰী ও আধিকাৰীকৰেৰ বেতন থেকে নিৰ্দিষ্ট প্ৰিমিয়ামেৰ অৰ্থ কাটা হৈছে । তৰে যাদেৰ এই বীমা কাৰ্যসূচীতে নাম পঞ্জীয়ন এখনো হয় নি , তাৰা চিকিৎসা বাবদ কোন অৰ্থ ফিৰে পাওয়ার জন্য দাবী কৰতে পাৰবেন না । উল্লেখ্য মুখ্যমন্ত্ৰী লোক সেবক আৰোগ্য যোজনা বীমাৰ আওতায়

থাকলে রাজ্য সরকারের সব কর্মচারী ও আধিকারীকদের পরিবারের সবার চিকিৎসার জন্য ব্যয় হওয়া অর্থ পুনরায় ফিরে পাওয়ার ব্যবস্থা রয়েছে ।

শিলচরের প্রগতিশীল নাগরিক সমন্বয় মঞ্চের উদ্যোগে গতকাল শিলচর সি টি ভি ও কার্যালয়ের সভাকক্ষে শিলচর পৌরসভার বর্ধিত জল কর প্রত্যাহার করার দাবী জানিয়ে একটি নাগরিক সভা অনুষ্ঠিত হয় । সংগঠনের সভাপতি ধুব সাহার পৌরহিত্যে আয়োজিত সভায় আগামী এক মাস শহরের প্রতিটি ওয়ার্ডে জনগনকে সঙ্গে নিয়ে বিভিন্ন স্থানে প্রতিবাদী কার্যসূচী গ্রহন করার সিদ্ধান্ত গ্রহণ করা হয়েছে । সভায় অন্যান্যদের মধ্যে সঞ্জীব রায় , অজয় রায় , সীমান্ত ভট্টাচার্য , আলী রেজা ওসমানি প্রমুখ উপস্থিত ছিলেন ।

হাইলাকান্দি জেলা প্রশাসনের উদ্যোগে জেলাজুড়ে মাসব্যাপী বিভিন্ন গ্রাম পঞ্চায়েত কার্যালয়ে খাজনা আদায় শিবির শুরু হয়েছে । জেলার তহশিলদার এক বিজ্ঞপ্তিতে জানিয়েছেন যে আজ আলগাপুর , আপিন-রংপুর , বড়বন্দ এবং বাহাদুরপুর গ্রাম পঞ্চায়েত কার্যালয়ে খাজনা আদায় শিবির অনুষ্ঠিত হবে । এদিকে আগামীকাল পাঁচগ্রাম , ধলাই-মলাই , নিশ্চিন্তপুর এবং বাঁশডহর-বড়হাইলাকান্দি গ্রাম পঞ্চায়েত কার্যালয়ে খাজনা আদায় শিবির অনুষ্ঠিত হবে । জেলা প্রশাসন থেকে জমি মালিকদের চলতি বছর ও বকেয়া বছরের খাজনা শিবিরে এসে জমা দিতে অনুরোধ করা হয়েছে ।
